



Broj: 01-1-20-12/26

Datum: 23.01.2026. godine

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", br.: 27/24) člana 128. Pravila Javne ustanove Osnovne škole „Malta“ Sarajevo, Školski odbor JU OŠ „Malta“ Sarajevo na redovnoj XLV online sjednici održanoj dana 23.01.2026. godine d o n o s i

O D L U K U

o kriterijima za upis učenika u produženi boravak

I

Ovom Odlukom utvrđuju se kriteriji, postupak i način upisa učenika u produženi boravak JU Osnovne škole „Malta“ Sarajevo.

II

Pravo prijave za upis u produženi boravak imaju **učenici I i II razreda** JU Osnovne škole „Malta“ Sarajevo, u skladu sa prostornim, kadrovskim i organizacionim mogućnostima škole.

III

Broj učenika koji se mogu upisati u produženi boravak utvrđuje se u skladu sa Pedagoškim standardima i normativima za odgoj i obrazovanje u osnovnoj i srednjoj školi, kao i raspoloživim prostornim, kadrovskim i organizacionim kapacitetima škole.

Za školsku 2026/2027. godinu raspoloživ je ograničen broj mjesta, o čemu škola objavljuje poseban javni poziv. Poziv za upis učenika I razreda u produženi boravak objavljuje se istovremeno sa pozivom za upis učenika u I razred redovne nastave.

Učenicima koji budu primljeni u produženi boravak u I razredu garantuje se pravo korištenja produženog boravka i u toku II razreda, u skladu sa važećim pedagoškim standardima i raspoloživim kapacitetima škole.

Ukoliko se u toku II razreda oslobode ili popune sva raspoloživa mjesta sa liste rezervacija, škola će, prema potrebi, objaviti poseban javni poziv za popunu produženog boravka, uz jasno navođenje broja upražnjenih mjesta.

IV

Ukoliko broj prijavljenih učenika premašuje raspoloživi broj mjesta, upis u produženi boravak vrši se prema sljedećim kriterijima:

1. **Pripadnost školskom području JU OŠ „Malta“ Sarajevo,**
2. **Vrijeme i datum zaprimanja potpune prijave** (princip redoslijeda prijave),
3. **Dostavljena potpuna i uredna dokumentacija** u roku propisanom javnim pozivom.

V

U slučaju da broj prijava premaši raspoloživi broj mjesta, škola formira **listu rezervacija**, prema redoslijedu zaprimanja prijave.

Sva upražnjena mjesta u toku školske godine popunjavaju se **isključivo sa liste rezervacija**.

VI

Prijava za upis u produženi boravak podnosi se **isključivo putem e-maila**, na adresu koju škola objavi u javnom pozivu, uz obaveznu dostavu:

- popunjenog prijavnog obrasca,
- CIPS prijave boravka kao dokaza o pripadnosti školskom području.

Nepotpune i neblagovremene prijave neće se razmatrati.

VII

Škola je dužna prvenstveno osigurati prostorne i organizacione uslove za realizaciju redovne nastave, zbog čega se broj mjesta u produženom boravku može ograničiti u skladu sa stvarnim mogućnostima ustanove.



VIII

Ova Odluka stupa na snagu danom donošenja i objavljuje se na oglasnoj tabli i web stranici škole.

Obrazloženje

Odluka o kriterijima za upis učenika u produženi boravak donesena je radi **uređenja postupka upisa na jasan, transparentan i zakonit način**, u skladu sa važećim zakonskim propisima, Pedagoškim standardima i normativima za odgoj i obrazovanje, te stvarnim prostornim, kadrovskim i organizacionim mogućnostima škole.

Ova odluka se donosi zbog:

- **izrazito velikog interesa roditelja/staratelja za upis djece u produženi boravak**, koji značajno premašuje raspoložive kapacitete škole
- **ograničenog prostornog kapaciteta**,
- **Pedagoškim standardima i normativima** propisane maksimalne brojnosti i sastava grupe učenika u produženom boravku, koje škola mora striktno poštovati, te ne može proizvoljno povećavati broj učenika bez ugrožavanja kvaliteta rada, sigurnosti djece i zakonitosti postupanja.

S obzirom na navedeno, neophodno je utvrditi **jasne kriterije upisa**, način popunjavanja raspoloživih mjesta, kao i postupanje u slučaju većeg broja prijavljenih učenika od raspoloživog broja mjesta, uključujući formiranje liste rezervacija i način popune upražnjenih mjesta u toku školske godine.

Donošenjem ove odluke obezbjeđuje se **jednak i nediskriminatoran tretman svih prijavljenih učenika**, pravna sigurnost roditelja i škole, te efikasno i blagovremeno planiranje rada produženog boravka, u skladu sa zakonom i pedagoškim standardima.

Pouka o pravnom lijeku:

Ova odluka je konačna i protov iste ne može se izjaviti žalba, ali može se pokrenuti spor pred Općinskim sudom u Sarajevu u roku od 30 dana od dana objave na oglasnoj tabli škole.

Dostavljeno:

1. *Direktoru škole,*
- 2 *Na oglasnu tablu,*
- 3.*web stranica škole,*
4. *A/a.*

PREDSJEDNICA ŠKOLSKOG ODBORA,
Žužić Elma